



D` Striggede, s` wunderet kain
suche fir iire Bangg no ain
mir hätte fir euch e scheene Maa
die gschtriggdi Kabbe hätt dr Mike Shiva scho aa

Im Wikileak kasch alles finde
was Politiker bschisse oder schinde
aber au deert, mir miens beduure
hinterloht dr Morin kaini Spuure

Y sitz uf` re Kische Bier im Gaarte
wil mir zwai, vier Frinde erwaarte
und uf aimool duet Lieschtel, es isch e Digge
is 90 Schugger und e Superpuma schygge

"Was - ans Theater no mee Frangge?
Dr Rampass stuunt, "chasch dängge, dangge
das bruucht`s doch nit fir „ öisi Wöhli! "
und ruugelet dr Stai zrug vor syy Höhli

Aegypte fyyrt, dr Blome bangt
dass Raubkunscht jetz nach Baasel glangt
drum möchte äär d` Stadt vor Raubkunscht rette
und konvisziert drum zeerscht d Blaggedde

Mir wänn jo nit groos glaage, winssle
doch es isch nit lycht so Väärsli z brinze
und stöön mir aa mit unserem Wäärgg
denn hilft is scho dr zu Guttenbärg

Im Dytsche Fäärnsee, das isch e gägg
laufft e Serie, doo zien alli Schwoobe wägg
und laufft die lang gnueg, d fraid isch gross
denn sinn mir glyy alli Schwoobe loos

Sperrguet, Chaos, Alteel, Handy
das isch fir d` Graatisabfuhr s Ändi
fir Giftmüll wird sofort biesst
wenn d BaZ dr Somm entsorgen miest

My Soon will wisse, über e Bundesroot
wo`s die, nach em Ruggdritt hii verschloot
"Dr Moritz schefflet Baugäld, weisch
Dr Merz kätscht nur no B., B., Bü., Bü.,
Bündnerfleisch

Siibe Schritt fiire und eine zrug
e Hächtsprung und denn machsch d` Brugg
das isch kai Danzkuurs mit mym Schatz
e so laufft me iiber dr Bahnhoofblatz

Dr Alex Frei hyyt: "S isch e Saich
dass ych die Kische nimme braich
kai Fan ka miir das noochefyyle
wenn y s Gool nimm gsee vor luter Hyyle

www.alperööslì.ch

E Bangg vo dr



Wottsch au by uns bänggle?
Schigg doch aifacht e Brief in unser Boschtfach
VSG
Postfach 4365
4002 Basel
Oder goosch uff
www.vsg-basel.ch
